


PRI-ის მიერ ჩატარებულ საზოგადოებრივი აზრის ონლაინ გამოკითხვას ალტერნატიული, არასაპატიმრო სასჯელების შესახებ, პასუხი გასცა 100-მა რესპონდენტმა

კვლევა ჩატარდა გაეროს დემოკრატიის ფონდის მიერ დაფინანსებული პროექტის „ალტერნატიული სასჯელების გამოყენების ხელშეწყობა სამხრეთ კავკასიაში“-პროექტის ფარგლებში


<https://docs.google.com/forms/d/1dHbZTaAkBe3nWfRj13URSDaAAzEaibdrLGDTqmKAwK0/edit>

## 1. ასაკი

14 წლამდე	0	0%
14-18 წელი	1	1%
19-25 წელი	22	22%
26-35 წელი	51	51%
36-50 წელი	21	21%
50 წელს ზევით	5	5%




## 2. სქესი



მდედრობითი	65	65%
მამრობითი	35	35%


## 3. ოჯახური მდგომარეობა

დაუოჯახებელი	43	43%
დაოჯახებული	49	49%
განქორწინებული	8	8%
ქვრივი	0	0%



#### 4. ამჟამინდელი საცხოვრებელი ადგილი რეგიონის მიხედვით

თბილისი	<b>83</b>	83%
ქვემო ქართლი	<b>2</b>	2%
შიდა ქართლი	<b>1</b>	1%
სამცხე-ჯავახეთი	<b>1</b>	1%
კახეთი	<b>1</b>	1%
იმერეთი	<b>6</b>	6%
გურია	<b>0</b>	0%
სამეგრელო-ზემო სვანეთი	<b>2</b>	2%
რაჭა-ლეჩხუმი და ქვემო სვანეთი	<b>0</b>	0%
აჭარის ავტონომიური რესპუბლიკა	<b>3</b>	3%
საქართველოს საზღვრებს გარეთ	<b>1</b>	1%



## 5. პროფესია, საქმიანობის სფერო

საქმიანობის სფერო მიუთითა გამოკითხულთა 80 %-მა.

1. მენეჯერი
2. ადამიანის უფლებათა სპეციალისტი
3. სტუდენტი
4. ექიმი
5. სოც.მუშაკი
6. მმართველი
7. პოლიტოლოგი
8. საერთაშორისო ურთიერთობები
9. NGO
10. ბიზნეს ანალიტიკოსი
11. იურისტი, ადვოკატი
12. ფრანგული ენის სპეციალისტი, ამჟამად უმუშევარი.
13. სტუდენტი
14. თარჯიმანი
15. მარკეტინგი
16. ადვოკატი
17. ფსიქოლოგი
18. იურისტი
19. ოფისის მუშაკი
20. სტუდენტი, მედიცინის ფაკულტეტი
21. ხელოვანი
22. ექიმი სტომატოლოგი-თერაპევტი
23. IT პროგრამისტი, ინფორმაციული ტექნოლოგიები
24. ანგლისტი/ბანკში ვმუშაობ
25. ფოტოგრაფი
26. პედაგოგი
27. მენეჯერი
28. პიარ მენეჯერი
29. გრანტ-ოფიცერი
30. ფსიქოლოგი
31. მცირე ბიზნესი
32. მენეჯერი
33. პედაგოგი
34. სამართალმცოდნე, ფონდი "სოხუმის" იურისტი
35. ჟურნალისტი
36. განათლება
37. თარჯიმანი
38. ფსიქოლოგი
39. ფსიქოლოგი
40. ოფისის მენეჯერი

41. ბიზნესი
42. უფლებადამცველი
43. ჟურნალისტი
44. სახელმწიფო მართვა
45. ფინანსისტი
46. პროექტის მენეჯმენტი
47. ექიმი
48. საერთ. სამართლის სპეციალისტი
49. ფიზიკოსი/უფლებადამცველი
50. ბუღალტერი
51. სოციალური მუშაკი
52. იურისტი
53. ქიმიკოსი
54. პოლიტოლოგი
55. მარკეტოლოგი
56. უმუშევარი
57. IT სპეციალისტი
58. 3D დიზაინერი
59. საჯარო მოხელე
60. ფილოლოგი, თეატრის დირექტორი
61. ფინანსები
62. მართლმსაჯულება
63. ადგილობრივი თვითმმართველობა
64. ეკონომისტი
65. სახელმწიფო დაწესებულება
66. ბუღალტერი
67. IT მენეჯერი, არასამთავრობო სექტორი
68. ჟურნალისტიკა
69. არასამთავრობო ორგანიზაციები
70. ტურიზმის სფერო
71. ბიზნესის მართვა
72. ონლაინ მარკეტერი
73. იურისტი
74. კავშირგაბმულობა
75. ფსიქიკური ჯანმრთელობა
76. ბიბლიოთეკარი
77. სტუდენტი
78. სახელმწიფო სერვისების მიწოდება
79. არასამთავრობო სექტორი
80. IT სპეციალისტი


**6. რამდენად ხართ ინფორმირებული ქვეყანაში სისხლის სამართლის სისტემაში არსებული ვითარების შესახებ, მიმდინარე რეფორმებსა და გამოწვევებზე?**

არ ვარ ინფორმირებული	<b>12</b>	12%
ნაკლებად ვარ ინფორმირებული	<b>33</b>	33%
მეტწილად ვარ ინფორმირებული	<b>42</b>	42%
სრულყოფილად ვარ ინფორმირებული	<b>13</b>	13%



**7. ზოგიერთ არამძიმე დანაშაულთან დაკავშირებით კანონით გათვალისწინებულია ალტერნატიული, არასაპატიმრო სასჯელების გამოყენება თავისუფლების აღკვეთის ნაცვლად. რა სახის არასაპატიმრო სანქციებს და ღონისძიებებს იცნობთ?**

გამოკითხულთა დაახლოებით 52%-მა უპასუხა დასმულ კითხვას, აქედან 2%-მა აღნიშნა, რომ მისთვის ცნობილი არ არის სასჯელის ალტერნატიული ღონისძიებების/სანქციების შესახებ. დანარჩენ რესპოდენტთა უმრავლესობას ესმის ალტერნატიული სანქციების/ღონისძიებების არსი, თუმცა ზოგიერთმა მათგანმა აგრეთვე მიუთითა არასაპატიმრო აღკვეთის ღონისძიებები.



„ვიცი რომ 18 წლამდე ახალგაზრდებისთვის არსებობს განრიდების პროგრამა რომელიც გულისხმობს იმას, რომ ციხის მაგივრად დამნაშავე ეწევა საზოგადოებისთვის სასარგებლო საქმიანობას“

„ჯარიმა, საზოგადოებისათვის სასარგებლო შრომა, პრობაციის და განრიდების სისტემა, ასევე მედიაცია“

„გირაო, სამხედრო პირის მეთვალყურეობის ქვეშ დატოვება, მეთვალყურეობა, თავდებობა“

„საზოგადოებრივად სასარგებლო შრომა, გამასწორებელი სამუშაო, ჯარიმა“


„ჯარიმა, საზოგადოებისთვის სასარგებლო შრომა, პირობითი მსჯავრი“

„საზოგადოებისათვის სასარგებლო შრომა, ჯარიმა, პირობითი, განრიდება“

„იძულებით მუშაობა, ფულადი ჯარიმა, შინაპატიმრობა, იძულებით დასაქმება“

„პირობითი მსჯავრი, საზოგადოებისთვის სასარგებლო შრომა, ჯარიმა, თავისუფლების შეზღუდვა, გამასწორებელი სამუშაო“





„ჯარიმა, თანამდებობის დაკავების ან საქმიანობის უფლების ჩამორთმევა, საზოგადოებისათვის სასარგებლო შრომა; გამასწორებელი სამუშაო; სამხედრო პირის სამსახურებრივი შეზღუდვა; თავისუფლების შეზღუდვა; განრიდება“


„მუშაობა მაგალითად ქუჩის დამლაგებლად, საზოგადოებრივი ტუალეტების მწმენდავად, კურიერად და ა.შ. თუმცა მათ შესახებ მხოლოდ ფილმებიდან და წიგნებიდან მსმენია, საქართველოში არ ვიცი როგორ ხდება“

„გამოსასწორებელი სამუშაოები, ჯარიმა. საპროცესო გარიგება. საჯარო სამსახური, დალაგება ქუჩების ან სხვა რაიმე მსგავსი“

„საზოგადოებისათვის სასარგებლო შრომა, ჯარიმა და გადაადგილების შეზღუდვა“

„1. თავისუფლების შეზღუდვა 2. პირობითი მსჯავრი 3. საზოგადოებრივი შრომა“

„საზოგადოებისთვის სასარგებლო შრომა, პირობითი მსჯავრი“



„სახლიდან გასვლა  
რომ არ შეუძლია,  
სოციალური მუშაობა“

„საზოგადოებისათვის  
სასარგებლო შრომა,  
ჯარიმა“

„პირობითი სასჯელი,  
ჯარიმა“

„პრობაცია, განრიდება, ჯარიმა, პირობითი სასჯელი, საზოგადოებისათვის  
სასარგებლო სამუშაო“

„პრობაცია, საზოგადოებისათვის სასარგებლო შრომა, მედიაცია, განრიდება“

„პირობითი მსჯავრი, ჯარიმა, საზოგადოებისთვის სასარგებლო შრომა, შპს-ს  
ლიკვიდაცია, საქმიანობის უფლების ჩამორთმევა, განრიდება (ამ დროს არ აღიძვრება  
სისხლის სამართლის საქმე), საზოგადოებისთვის სასარგებლო სამუშაო“

„პირობითი სასჯელი,  
ჯარიმა“

„საზოგადოების  
სასარგებლოდ შრომა,  
მიმაგრება“

„ჯარიმა, ლიცენზიის  
ჩამორთმევა,  
პირობითი სასჯელი“

„ჯარიმა, საზოგადოებისათვის სასარგებლო შრომა, გამასწორებელი სამუშაოები“

„საზოგადოებისათვის სასარგებლო შრომა, ჯარიმა, პირობითი მსჯავრი“

„საზოგადოებისათვის სასარგებლო შრომა, პირობითი მსჯავრი, ჯარიმა,  
სამსახურეობრივი შეზღუდვა, საქმიანობის უფლების ჩამორთმევა, ქონების  
ჩამორთმევა“

„საზოგადოებისთვის  
სასარგებლო შრომა“

„თანამდებობის დაკავების ან საქმიანობის უფლების ჩამორთმევა, საზოგადოებისათვის სასარგებლო შრომის დანიშვნა, თავისუფლების შეზღუდვა, პირობითი მსჯავრის დანიშვნა, გამასწორებელი სამუშაო, სასჯელის მოხდის გადავადება (ორსული ქალისათვის – მშობიარობის შემდეგ 1 წლამდე)“

„პირობითი, ჯარიმები, დარწმუნებული არ ვარ, მაგრამ უნდა იყოს "community service" (რაიმე ქუჩების დალაგების, პარკების/სკვერების მოვლის, სამშენებლო და ა.შ. სამსახურების ფარგლებში);

„ადმინისტრაციული ჯარიმა, საზოგადოებისათვის სასარგებლო შრომა, განრიდების ღონისძიებები, არასაპატიმრო სასჯელზე საპროცესო შეთანხმების გაფორმება, ჯარიმის გამოყენება“

„ა) ჯარიმა; ბ) თანამდებობის დაკავების ან საქმიანობის უფლების ჩამორთმევა; გ) საზოგადოებისათვის სასარგებლო შრომა; დ) გამასწორებელი სამუშაო“


„გირაო; თავდებობა; პირობითი მსჯავრი; პრობაცია; შინაპატიმრობა; გირაო, საზ.სასარგებლო საქმიანობა“

„პირობითი მსჯავრი, საზოგადოებისთვის სასარგებლო შრომა, თავისუფლების შეზღუდვა, გამასწორებელი სამუშაო“

„საზოგადოებისათვის სასარგებლო შრომა, თავისუფლების შეზღუდვა, გამასწორებელი სამუშაო, პირობითი მსჯავრი“


8. თქვენი აზრით, რამდენად ინფორმირებულია საზოგადოება ალტერნატიული სასჯელების მნიშვნელობის და მათი გამოყენების წესის შესახებ?

არ არის ინფორმირებული	38	38%
ნაკლებად არის ინფორმირებული	56	56%
მეტწილად არის ინფორმირებული	5	5%
სრულყოფილად არის ინფორმირებული	0	0%
მიჭირს პასუხის გაცემა	1	1%




**9. რამდენად მნიშვნელოვანია სასჯელის ალტერნატიული მეთოდების შესახებ  
ფართო საზოგადოების მეტად ინფორმირება?**

არ არის საჭირო	<b>0</b>	0%
სასურველია, თუმცა არა აუცილებელი	<b>18</b>	18%
აუცილებელია	<b>77</b>	77%
მიჭირს პასუხის გაცემა	<b>5</b>	5%




**10. ზოგადად, ეთანხმებით თუ არა მსუბუქი დანაშაულისათვის პატიმრობის ალტერნატიული სასჯელების გამოყენებას?**

არ ვეთანხმები	<b>4</b>	4%
უფრო არ ვეთანხმები	<b>1</b>	1%
უფრო ვეთანხმები	<b>34</b>	34%
სრულად ვეთანხმები	<b>57</b>	57%
მიჭირს პასუხის გაცემა	<b>4</b>	4%




**11. გეგონიათ თუ არა შეხება პრობაციის სამსახურთან, სხვა ალტერნატიულ ზომებთან ან პირებთან, რომელთა მიმართაც ამგვარი ზომები იქნა გამოყენებული?**

არ მქონია შეხება	<b>51</b>	51%
ვიცნობ სხვა პირს (პირებს) ვის მიმართაც გამოყენებული ყოფილა აღნიშნული სასჯელი	<b>17</b>	17%
მქონია პროფესიული ან სხვა სახის შეხება	<b>31</b>	31%
უშუალოდ ჩემს მიმართ ყოფილა გამოყენებული აღნიშნული ღონისძიება	<b>1</b>	1%



**12. თქვენი აზრით, რა არის სასჯელის ალტერნატიული მეთოდების გამოყენების უპირველესი მიზანი?**

განმეორებითი დანაშაულის პრევენცია	<b>47</b>	22%
დამნაშავის დასჯა	<b>4</b>	2%
დამნაშავის გამოსწორება	<b>50</b>	23%
საზოგადოებრივი წესრიგისა და უსაფრთხოების დაცვა	<b>22</b>	10%
დამნაშავეზე ზედამხედველობა მისი დაპატიმრების გარეშე	<b>29</b>	13%
მსჯავრდებულის რესოციალიზაცია	<b>61</b>	28%
არც ერთი	<b>1</b>	0%
სხვა	<b>3</b>	1%





### 13. თქვენი აზრით რა დადებითი მხარე/უპირატესობა გააჩნია არასაპატიმრო სასჯელების გამოყენებას?

„ოჯახი არ ვარდება ეკონომიურად უკიდურესად მძიმე მდგომარეობაში“

„ადამიანს არ ექნება კრიმინალებთან შეხება“

„ხელს უწყობს რესოციალიზაციას და განმეორებითი დანაშაულის პრევენციას“

„ციხეში მოხვედრა იქ არსებული გარემოთი და მძიმე დანაშაულის ჩამდენი ადამიანების გარემოცვაში ყოფნა ძალიან უარყოფით გავლენას ახდენს ადამიანზე და არ აკეთილშობილებს მას. შესაბამისად, თუ პირმა მსუბუქი დანაშაული ჩაიდინა და ამის გამო ციხეში მოხვდა, დიდი ალბათობით ის ციხიდან ბევრად გაბოროტებული გამოვა და ბევრად უარეს დანაშაულს ჩაიდენს“.

„ზოგიერთ ადამიანს აძლევს გამოსწორების შანსს“

„მცირე დანაშაულზე საერთოდ რა საჭიროა პატიმრობა, ეს უნდა იყოს გამოყენებული როგორც უკანასკნელი ზომა“

„არასაპატიმრო სასჯელის გამოყენებას აქვს დადებითი მხარე პირის მიმართ, ვისაც უფარდებენ, რადგან ადამიანს აქვს საშუალება ციხის გარეთ მოიხადოს სასჯელი და მოხდეს მისი რესოციალიზაცია“.

„უფრო ჰუმანურია, არგებს როგორც პატიმარს, ისე საზოგადოებას“ .

„დამნაშავის დასჯა, მისი გამოსწორება პატიმრობის გამოყენების გარეშე. მაგალითად, საზოგადოებისათვის სასარგებლო შრომის მისჯით მისი რესოციალიზაცია, საზოგადოებრივ საქმიანობაში ჩართვა ხდება“.

„ახალი შანსის მიცემა და პატიმრობის თავიდან აშორება რესოციალიზაციის ხელშეწყობა, თუ შესაბამისი სამსახური მუშაობს სტიგმის შემცირება, ციხის სისტემის განტვირთვა“

„მორალური ზემოქმედება დამნაშავეზე, საბიუჯეტო სახსრების დაზოგვა“

„დამნაშავის  
გამოსწორებაზეა  
ორიენტირებული“

„ციხე რადიკალური  
ზომაა, არასაპატიმრო  
სასჯელის  
გამოყენებისას მეტია  
შანსი პიროვნების  
გამოსწორების, ის არაა  
მოწყვეტილი  
საზოგადოებას და  
უფრო ეფექტურია მისი  
რესოციალიზაცია“

„რესოციალიზაციის  
მოქნილი მექანიზმის  
გამოყენება“

„საზოგადოებისათვის  
როდესაც მძიმე  
სოციალური პირობებია,  
საჭიროა რომ  
არასაპატიმრო სასჯელის  
გამოყენებით მიეცეს  
შანსი იყოს თავისუფალი,  
იმუშაოს, რათა მეორეჯერ  
არ გაიმეოროს, ჩაიდინოს  
კვლავ დანაშაული“

„საკუთარი ქმედების  
მიმართ  
პასუხისმგებლობის  
გაზრდა“

„იკლებს ფსიქიური  
აშლილობის რიცხვი,  
შრომისუნარიანობა  
აიწევს,  
საზოგადოებრივი  
სარგებელი,  
მაგალითად მინდორი  
დასუფთავდება  
ცელოფნის  
პარკებისგან“

„დამნაშავის გამოსწორება,  
დამნაშავეზე ზედამხედველობა მისი  
დაპატიმრების გარეშე,  
მსჯავრდებულის რესოციალიზაცია.  
დაპატიმრებულ ადამიანს  
ურთიერთობა აქვს მხოლოდ  
დამნაშავეებთან. თანაც საკმაოდ  
ხანგრძლივად. არასაპატიმრო  
სასჯელით ის ამ დამნაშავეთა  
წრესთან ურთიერთობას აირიდებს“.

„1. სასჯელადსრულების  
დაწესებულებაში ნაკლები  
ადამიანი ხვდება;  
2. მსჯავრდებული არ  
წყდება საზოგადოებას და  
განაგრძობს  
საზოგადოებრივ აქტივობას.“

„დანაშაულის  
განმეორების  
თავიდან  
აცილებისთვის  
უფრო ეფექტიანი  
და  
ხარჯთეფექტიანი  
საშუალებაა“

„საზოგადოებისთვის  
უსასყიდლოდ  
შესრულებული  
სამუშაო და  
დამნაშავის  
გამოსწორება, რაც  
პატიმრობით არ  
ხდება.“

„1. სასჯელადსრულების  
დაწესებულებაში ნაკლები  
ადამიანი ხვდება;  
2. მსჯავრდებული არ  
წყდება საზოგადოებას და  
განაგრძობს  
საზოგადოებრივ  
აქტივობას.“

„არ  
იორგუნება  
ადამიანი  
გამოკეტილ  
სივრცეში.“

„არასაპატიმრო სასჯელების გამოყენებით მსჯავრდებულს ეძლევა შესაძლებლობა გამოისყიდოს ჩადენილი დანაშაული ისე, რომ არ მოწყდეს საზოგადოებას, ოჯახს. ასევე ამ სახის სასჯელებით ხდება დამნაშავის რესოციალიზაცია. ვამართლებ მხოლოდ არასრულწლოვანებში და პატარა შვილებიან დედებში“.

„ციხეში არიან მკვლელები და მანიაკები, მსუბუქი დანაშაულისთვის ადამიანი არ უნდა იყოს ციხეში მათთან ერთად. ციხეში ყოფნა ამა თუ იმ ადამიანს უფრო ცუდს ხდის და უნგრევს ცხოვრებას“.

1. მსჯავრდებული არ სწყდება საზოგადოებას. 2. ნაკლებად დამორგუნველად შეიძლება იმოქმედოს ციხის გარემომ. 3. ასევე ციხეში შესაძლოა უარესი შედეგი მივიღოთ, ვიდრე მისი რესოციალიზაცია რეზილიტაცია და განმეორებითი დანაშაულის პრევენციაა

„დანაშაულის ჩამდენი ფიქრობს რომ მისი დანაშაული უპატიებელია და პასუხი უნდა აგოს, თუმცა სახელმწიფო აძლევს მას შანს არ არასაპატიმრო სასჯელის მეშვეობით ისევ იყოს მის ოჯახთან, საზოგადოებასთან. ამით სახელმწიფო უწყებებს არ აქვთ მოქალაქეების თვალში დანაშაულზე ჩასაფრებულის პოზიცია თუმცა გირაოს რაოდენობა ხანდახან ასეთ ჩასაფრებულობის ეჭვს ბადებს.“

დღევანდელი ციხე და საერთოდ, ციხე არ ასწორებს ადამიანებს, პირიქით, შეიძლება კრიმინალადც ჩამოყალიბდეს იქ მოხვედრილი ადამიანი. ნაკლებად მძიმე დანაშაულისთვის პირს იქ არ გავუშვებდი, სასჯელის ალტერნატიული მეთოდით დასჯა უფრო დააფიქრებთ ადამიანებს სანამ რამეს ჩაიდენენ, თუ წინასწარ არ ეცოდინებათ რას შეუფარდებს სასამართლო, მაგალითად ერთი თვით რუსთაველის გამზირის დაგვა, ერთი კვირით მარჯანიშვილის, ერთი კვირით - წერეთლის გამზირის...ეს ქართველი კაცისთვის სიკვდილის ტოლფასია, დამიჯერეთ ;)

1. მსჯავრდებული არ სწყდება საზოგადოებას. 2. ნაკლებად დამორგუნველად შეიძლება იმოქმედოს ციხის გარემომ. 3. ასევე ციხეში შესაძლოა უარესი შედეგი მივიღოთ, ვიდრე მისი რესოციალიზაცია რეზილიტაცია და განმეორებითი დანაშაულის პრევენციაა

1. „მსჯავრდებულის რესოციალიზაციის ყველაზე ეფექტური გზა; 2. სასჯელის მოხდა გარემოს შეცვლის გარეშე (რაც ყოფილი პატიმრებისთვის უმნიშვნელოვანესი პრობლემაა); 3. საზოგადოებრივი აზრის ცვლილების ხელშეწყობა (რაც მეტი პოზიტიური ქცევების მქონე მსჯავრდებულები იქნება თავისუფლებაზე, მით უფრო დადებითი იქნება საზოგადოების განწყობა ამ კატეგორიის მიმართ“

„პრობაციონერის შენახვა ნაკლებად დააწვება სახელმწიფო ბიუჯეტს, ამით უფრო მეტად იქნება უზრუნველყოფილი მისი რესოციალიზაცია, ნაკლები საფრთხე შეექმნება მის ჯანმრთელობას და სიცოცხლეს საპატიმროში არსებული მსჯავრდებულებისაგან. ეს უფრო მეტი შანსია ადამიანი დაუფიქრდეს თავის საქციელს და უფრო დადებითისკენ გადაიხაროს, ალბათ მოინანიოს კიდევ გულწრფელად“.

„ნაკლებად მძიმე დანაშაულში მსჯავრდებულზე გააჩნია დადებითი მხარე, პირს უნდა მიეცეს შანსი, რომ გამოსწორდეს და საზოგადოებაში თავისი ადგილი დაიკავოს, აუცილებელი არ არის ყველანი ციხეში გავუშვათ (თუმცა ჩვენი სსკ ბევრ ისეთ მძიმე და განსაკუთრებით მძიმე დანაშაულსაც იცნობს, რომელიც დანაშაულადაც კი არ უნდა იყოს კვალიფიცებული. მაგ. 260 მ.); განმეორებითი დანაშაულის პრევენცია, საზოგადოებისთვის სარგებელი, დამნაშავეს ფსიქოლოგიური ფაქტორი, სახელმწიფოს მხრიდან ნაკლები ხარჯები „

„დამნაშავე შეიგნებს თავის არასწორ საქციელს და ამ შემთხვევაში, ფსიქოლოგიურადაც არ იქნება განადგურებული“

„ნაკლები პატიმარი, ნაკლები ხარჯი, მეტი ჰუმანურობა. ყველაფერს რომ თავი დავანებოთ, გადასახდელების გადამხდელთა ნაკლები თანხები დაიხარჯება საპატიმროებში პატიმრების "შენახვაზე". ისე კი, ცხადია, ხშირად წვრილმან დანაშაულს (განსაკუთრებით მოზარდებში) დამნაშავე ცუდი მაგალითის გამო ჩადის; ან იმიტომ, რომ მეგობრებთან "მაგარი" გამოჩნდეს. ასეთი დამნაშავეები უფრო "გზას აცდენილები" არიან, ვიდრე კრიმინალები. ნაკლებად მძიმე დანაშაულის შემთხვევაში დაცული იქნება კანონის უზენაესობა, და ამავდროულად უზრუნველყოფილი იქნება დამნაშავეს საზოგადოებისაგან იზოლაციის თავიდან აცილება“

„ის უფრო ჰუმანურია“

„ადამიანის მიმართ რაც უფრო მკაცრ ზომებს გამოვიყენებთ შესაძლებელია მასში მით უფრო მეტი აგრესია გამოიწვიოს ამან, მითუმეტეს თუ მან ჩაიდინა ნაკლებად მძიმე დანაშაული . არ არის აუცილებელი ადამიანი დაპატიმრებული იყოს, რომ ის დაფიქრდეს თავის დანაშაულზე და გამოსწორებაზე იზრუნოს“.

„არანაირი უპირატესობა, სასჯელი უნდა იყოს სასჯელი, რომ მეორეჯერ აღარ იქნეს განმეორებული“

„დამნაშავეს მეტი კონტაქტი აქვს საზოგადოებასთან და შესაბამისად მისი ხელახალი რესოციალიზაცია გაცილებით მარტივია ვიდრე პატიმარი მსჯავრდებულების“.

„ნაკლები ადმინისტრაციული ხარჯი; ნაკლები სტრესი დამნაშავესათვის; მეტი რესოციალიზაციის შანსი დამნაშავესათვის.“

„არ უნგრევს ადამიანს ცხოვრებას, შეიძლება უფრო ნაკლებ ხარჯიანი იყოს სახელმწიფოსთვის ციხესთან შედარებით. არ ვიცნობ ანონის . მიჰირს

„არასაპატიმრო სასჯელის მოხდისას არ ხდება პიროვნების იზოლირება მისი ოჯახისგან, მეგობრებისგან და ზოგადად სოციალური გარემოსგან. იგი დაცულია ე.წ. პენიტენციური სტრუქტურისგან. არის შესაძლებლობა სარეაბილიტაციო პროგრამებში ჩართვისა. მას ეძლევა შესაძლებლობა მისივე შრომით მოახდინოს ზარალის ანაზღაურება. სახელმწიფო ბიუჯეტისთვის გაცილებით იაფია ასეთი ტიპის სასჯელის აღსრულება. არასაპატიმრო სასჯელის უპირატესობაა, რომ მსჯავრდებული ნაკლებად გაუცხოვებული ხდება და საპატიმროსთან შედარებით ბევრად უფრო ჰუმანურად და ცივილურად მეჩვენება“

„ადამიანის ცნობიერებაზე არ ახდენს ზეგავლენას ციხის უარყოფითი ზეგავლენა“

1. არ არის მოწყვეტილი ოჯახს; 2. არ მოხდება მისი ნაციხრად ეტიკეტირება; 3. არ გადაიტვირთება ციხე და შესაბამისად შემცირდება ადამიანის უფლებების დარღვევა ციხეში; 4. არ გაბოროტდება, ისე როგორც ეს შეიძლება მოხდეს ციხეში.“


ბევრი უპირატესობა: 1. არ გაბოროტდება ადამიანი 2. უეჭველი მეორეჯერ აღარ ჩაიდენს 3. სახელმწიფო რამდენ თანხას დაზოგავს 4. .

„იქიდან გამომდინარე, რომ ზოგადად სასჯელის პირველადი მიზანი არის პირის რესოციალიზაცია და განმეორებითი დანაშაულის პრევენცია და იმის გათვალისწინებით რომ პატიმრობას ხშირად უარყოფითი ემოციური გავლენა აქვს ადამიანზე, მიმაჩნია რომ ეს მიზანი უფრო მარტივად მიღწევადია პატიმრობის ალტერნატიული ზომების გამოყენების შემთხვევაში“.



**14. თქვენი ინფორმაციით, როგორია სასჯელების გამოყენების პრაქტიკა საქართველოში?**

უფრო ხშირად გამოიყენება საპატიმრო სასჯელი	82	82%
უფრო ხშირად გამოიყენება არასაპატიმრო სასჯელი	2	2%
მეტნაკლებად თანაბრად გამოიყენება	7	7%
მიჭირს პასუხის გაცემა	9	9%



## 15. სასჯელისაგან ვადამდე გათავისუფლების რა მექანიზმებია თქვენთვის ცნობილი?

აღნიშნულ კითხვაზე პასუხი გასცა რესპონდენტთა 45%-მა, რომლებიც ზოგადად, ინფორმირებული არიან ვადამდე გათავისუფლების მექანიზმების შესახებ. თუმცა, გაცემულ პასუხებში ჭარბობს ვადამდე გათავისუფლების ისეთი მექანიზმები, როგორცაა ამნისტია და შეწყალება.

1. პირობით ვადამდე შეწყალება, „აქტიროვკა“
2. არაა ცნობილი
3. ამნისტია, შეწყალება
4. ყველა
5. შეწყალება უფლებამოსილი ინსტანციის მიერ (პრეზიდენტის, პარლამენტის მიერ), შეწყალება კომისიის მიერ
6. შეწყალება, პირობით ვადამდელი
7. 1. ამნისტია; 2. შეწყალება; 3. ვადამდე გათავისუფლების მუდმივმოქმედი კომისიები
8. სამაგალითო მოქცევა პატიმრობისას, აპელაცია
9. შესაძლებელია პატიმრის სასჯელადსრულებითი დაწესებულებიდან ვადაზე ადრე გათავისუფლება პირობითი სასჯელით ან/და პატიმრობის საზოგადოებისათვის სასარგებლო შრომით შეცვლით.
10. შეწყალება
11. ადგილობრივი საბჭოები
12. ამნისტია
13. ამნისტია, ვადამდე გათავისუფლება კარგი ყოფაქცევით
14. შეწყალება, ციხეში "სანიმუშოდ მოქცევა" და გამოშვება ... /„მეტია არაა ჩემი მტერი“/
15. ამნისტია
16. ამნისტია ან სხვადასხვა დღესასწაულებზე პატიმრების შეწყალება.
17. შეწყალება, ამნისტია
18. პირობით ვადამდე ადრე გათავისუფლება; ჯანმრთელობის მდგომარეობის გამო ვადამდე ადრე გათავისუფლება; ამნისტია; შეწყალება
19. ავადმყოფობა
20. პირობით ვადამდე ადრე გათავისუფლება, შეწყალება, ამნისტია, ხანდაზმულობა, ჯანმრთელობის გაუარესება. ფულის გადახდა, უდო, განრიდება, საპროცესო შეთანხმება
21. ამნისტია. კანონში ცვლილების შეტანა. შეწყალება.
22. სასჯელის მოხდისაგან მსჯავრდებული ვადამდე ადრე გათავისუფლდება 1. შეწყალებით ან ამნისტიით 2. სასჯელის მოუხდელი ნაწილის უფრო მსუბუქი სახის სასჯელით შეცვლისას. 3. პირობით ვადამდე გათავისუფლებისას. 4.


ავადმყოფობის ან ხანდაზმულობის ასკის გამო. 5. განაჩენის შეცვლის ან გაუქმების გამო.

23. უდო, ამნისტია
24. მიჭირს პასუხის გაცემა, არ ვარ დარწმუნებული, რომ კითხვა სწორად გავიგე.
25. უდო, ამნისტია, შეწყალება, ჯანმრთელობის მდგომარეობის გამო გათავისუფლება
26. შეწყალება, ამნისტია.
27. ამინისტია, შეწყალება, უდო.
28. მსუბუქი დანაშაული და კარგი საქციელი პატიმრობის პერიოდში, უდო, შეწყალება
29. ძირითადად ამნისტია, შეწყალება
30. შეწყალება სასჯელის გარკვეული ვადის გასვლა, ამნისტია
31. ამნისტია, შეწყალება, უდო, ჯანმრთელობის მდგომარეობის გამო (ეს უმაქნისი ნორმაა, რადგან, ფაქტობრივად იმისთვის ათავისუფლებენ პატიმარს, რომ სახლში გარდაიცვალოს. ამიტომ კლასიკური გაგებით ვადამდე გათავისუფლების მექანიზმად ვერ განვიხილავ)
32. პირობით ვადამდე განთავისუფლება, მოწყალება, ამნისტია
33. პირობით ვადამდე გათავისუფლება, შეწყალება, ამნისტია
34. ამნისტია. ჩემთვის (და შეიძლება ყველასთვის) უცნობი კრიტერიუმებით
35. პირობით ვადამდე გათავისუფლება, შეწყალება, ამნისტია
36. ჯარიმა, პირობითი სასჯელი, საზოგადოებისათვის სასარგებლო შრომა (უფრო ნაკლებად). ასევე "განრიდების/მედიაციის" ინსტრუმენტი
37. შეწყალება
38. ამინისტია, შეწყალება.
39. ამინისტია
40. ამნისტია, შეწყალება
41. მსჯავრდებულის პირობით ვადამდე გათავისუფლება, შუამდგომლობა, პირობითი მსჯავრის გაუქმება, ამნისტია, შეწყალება
42. 1. ვადამდე ადრე გათავისუფლება 2. საზოგადოებრივი შრომა
43. შეწყალება, ამნისტია
44. პირობით ვადამდე განთავისუფლება
45. "უდო" და შეწყალება




## 16. როგორ შეაფასებთ სასჯელისაგან ვადამდე გათავისუფლების პრაქტიკას?

ვაფასებ ძალიან უარყოფითად	<b>2</b>	2%
ვაფასებ უარყოფითად	<b>9</b>	9%
ვაფასებ საშუალოდ, საჭიროებს გაუმჯობესებას	<b>54</b>	54%
ვაფასებ დადებითად	<b>18</b>	18%
ვაფასებ ძალიან დადებითად	<b>3</b>	3%
მიჭირს პასუხის გაცემა	<b>14</b>	14%



17. თქვენი აზრით რა ფაქტორების გათვალისწინება უნდა მოხდეს მსჯავრდებულის სასჯელისგან ვადამდე გათავისუფლების შესახებ გადაწყვეტილების მიღებისას?

ჩადენილი დანაშაულის სიმძიმე	67	20%
დამნაშავის პიროვნება	62	19%
განმეორებითი დანაშაულის ჩადენის რისკი	60	18%
ოჯახური მდგომარეობა/კმაყოფაზე მყოფი შვილები	33	10%
მსჯავრდებულის ყოფა-ქცევა სასჯელადსრულების დაწესებულებაში	55	17%
მსჯავრდებულის რესოციალიზაციის ხარისხი	46	14%
მიჭირს პასუხის გაცემა	2	1%
სხვა	3	1%



18. როგორ ფიქრობთ დამნაშავე ქალების და არასრულწლოვნების მიმართ უნდა მოქმედებდეს თუ არა რაიმე შეღავათი სასჯელის დანიშვნისას ან ვადამდე გათავისუფლებისას, მათი სოციალური როლის გათვალისწინებით? (გთხოვთ, მიუთითოთ რა სახის შეღავათი)

„არასრულწლოვნებისთვის კი აუცილებლად, რადგან ეს ჯგუფები განსაკუთრებით მოწყვლადნი არიან. შეღავათი უნდა მოხდეს, თუნდაც იმ თვალსაზრისით, რომ მათი ამტანობა გაცილებით ნაკლებია სხვა მსჯავრდებულებზე და მათზე ზემოქმედებაც ადვილია“

„რესოციალიზაციისთვის. შეღავათის სახით შესაძლებელია მათი ვადამდე განთავისუფლება. უნდა მოქმედებდეს მაქსიმალური, რაც შესაძლებელია“

„დასაქმება, რეაბილიტაციის, რესოციალიზაციის, დასაქმების პროგრამები“

„გააჩნია დანაშაულის სიმძიმეს, ვფიქრობ უნდა მოქმედებდეს შეღავათები“

„სასჯელის ნახევარი სრულწლოვან მამაკაცთან შედარებით, პირობით ვადამდე გათავისუფლება მსჯავრდებულისა ქცევის გათვალისწინებით სასჯელის ვადის ნახევრის მოხდისას“

„დიახ, უნდა შეუმსუბუქონ სასჯელი“

„თუ დამნაშავე ქალებს ყავთ პატარა ბავშვები, მაშინ თავის შვილებთან ერთად უნდა მოიხადოს სასჯელი. უნდა შემუშავდეს რაღაც შესაბამისი სადამსჯელო ზომები, რომელსაც ბავშვებთან ერთად მოიხდის ქალი. არასრულწლოვნებმა უნდა მოიხადონ სასჯელი შრომით, ანუ უნდა ამუშაონ და იყვნენ მკაცრი აღიკვეთის ქვეშ“

„არასრულწლოვნებისთვის კი, ციხეში შეიძლება უარესისკენ შეიცვალოს. და ზუსტად ამისთვის არსებობს ერთი სსიპ სადაც თამაზ ახოზაძე მუშაობდა. არ ვიცი ვინ შეადგინა ეს კითხვარი, თუ ვინმე კომპეტენტური პირი ხართ, დააბრუნეთ თამაზ ახოზაძე!!! პროფესიონალია, გამოცდილია, და უყვარს (უყვარდა) რასაც აკეთებს (აკეთებდა). ქალებს რაც შეეხება, გამონაკლისი არ უნდა იყოს”

„ყველაფერში „ევროპა-ევროპას“ რომ გაიძახით, ნახეთ ევროპის ჰუმანური ციხეები, მათი თანამშრომლები და .....სასჯელის დანიშვნისას უნდა მოხდეს განსასჯელის ინდივიდუალური გარემოებების გათვალისწინება, მათ შორის სქესისა და ასაკის; შეფარდებული სასჯელის კი უნდა პასუხობდეს მათ კრიმინოგენულ საჭიროებებს და მიმართული იყოს ზიანის რისკის და დანაშაულის განმეორებით ჩადენის ალბათობის შემცირებაზე. არასრულწლოვნების მიმართ - კი. მაგრამ მიმაჩნია, რომ დამნაშავე ქალების მიმართ სასჯელის დანიშვნისას ან ვადამდე გათავისუფლებისას რაიმე შეღავათი არ უნდა მოქმედებდეს - ეს სქესობრივი დისკრიმინაციაა კაცების მიმართ :) სასჯელის გადავადება უნდა მოქმედებდეს, დაპატიმრება უნდა ხდებოდეს უკიდურეს შემთხვევაში განსაკუთრებით არასრულწლოვანებთან მიმართებაში და უნდა მიესაჯოთ მინიმალური სასჯელი“

„არასრულწლოვნებზე უნდა იყოს ნაკლები სასჯელი იმის გათვალისწინებით რომ იდენტობის ასაკში არიან. აუცილებელია, კანონთან კონფლიქტში მყოფი არასრულწლოვნის მიმართ მაქსიმალურად გათვალისწინებულ იქნას არასაპატიმრო სასჯელების გამოყენება და პატიმრობა გამოყენებულ იქნას როგორც უკიდურესი ზომა და მაქსიმალურად მოკლე დროით. ინდივიდუალურად უნდა იქნეს განხილული“

არ ვიცი

„დიახ“

„მიჭირს პასუხის გაცემა. არასრულწლოვნებისა და ქალი ბრალდებულების მიმართ უნდა მოქმედებდეს შეღავათი“

„არა“

„ასეთი შეღავათები მოქმედებს კიდევ!“

„არასრულწლოვანი დამნაშავეებისთვის სასურველია არასაპატიმრო სასჯელის გამოყენება, უკეთესი რესოციალიზაციისათვის და გათვალისწინებული უნდა იყოს მათი ოჯახური მდგომარეობა, პირობები და სოციალური წრე სადაც მათ უწევთ ცხოვრება. პატიმრობისა და თავისუფლების აღკვეთის შეფარდების ნაცვლად გამოყენებული იქნას ალტერნატიული ზომები და სასჯელები, კერძოდ, საზოგადოებისათვის სასარგებლო შრომა, რომლის ფარგლებშიც მსჯავრდებულს მიეცემა შესაძლებლობა საზოგადოებისათვის სასარგებლო შრომით გამოსიყიდოს მის მიერ ჩადენილი დანაშაული. მინიმალური სასჯელის შემდგომი შემცირება, პირობითი მსჯავრის გამოყენება“

„ჩვენს ქვეყანაში, კონსტიტუციის მიხედვით, ქალი და მამაკაცი თანაბარია, ამიტომ პასუხისმგებლობაც თანაბარი უნდა იყოს. არასრულწლოვნებზე კი სასურველია შეღავათები. მაგალითად, არასაპატიმრო სასჯელების გამოყენება და სხვა“

„არ უნდა მოქმედებდეს არანაირი დამატებითი შეღავათი, კანონში უნდა იყოს გაწერილი თითოეული სოციალური ჯგუფისთვის გაწერილი სასჯელის ხანგრძლივობა და ა.შ.“

„უნდა იყოს შეღავათები, არასრულწლოვნები პირველად მსჯავრდებისას თუ არ აქვთ რაიმე განსაკუთრებულად მძიმე დანაშაული ჩადენილი საერთოდ არ უნდა დაისაჯონ და უნდა მოხდეს განრიდება, ხოლო ქალებზე სასურველია პირობითი მსჯავრის გამოყენება. უნდა მოქმედებდეს. ქალებზე შეიძლება გავრცელდეს სს კოდექსის 88-ე მუხლის პირობები. თავად სს კოდექსის 88-ე მუხლის სასჯელის ზომებმაც უნდა დაიწიოს: 14-15 - 5 წლამდე, ხოლო 16-17 - 10 წლამდე“

„არასრულწლოვანების მიმართ მეტი ყურადღებაა საჭირო, რამდენადაც შესაძლებელია, უნდა მოხდეს მცირე სასჯელის მისჯა“

„არასრულწლოვანი  
პირების მიმართ - კი“

„დიახ, უნდა  
მოქმედებდეს“

„არასრულწლოვნების მიმართ ცალსახად გამოვრიცხავდი საპატიმრო სასჯელის დანიშვნას, (გარდა განსაკუთრებით მძიმე ან განსაკუთრებული სისასტიკით ჩადენილი დანაშაულებისა). ქალებს, რომლებსაც ჰყავთ მცირეწლოვანი შვილები, ორსული და მეძუძური დედები ცალსახად საჭიროებენ შეღავათებს, მაგ: სასჯელის გადავადება ან ყველაზე მსუბუქი არასაპატიმრო სასჯელის დანიშვნა და სარეაბილიტაციო, ფსიქო-სოციალურ პროგრამებში ჩართვა. არასრულწლოვანს უნდა შეეძლოს ჩააბაროს ციხეში რამოდენიმე სახის გამოცდა, რომელიც ამოწმებს ციხეში განათლების გაფართოების ფაქტს. გამოცდაში მაღალი ქულა უნდა ითვალისწინებდეს შეღავათს“

„დიახ, უნდა მოქმედებდეს, მაგალითად, საშუალება მიეცეთ მეტად იკონტაქტონ ახლობლებთან, შვილებთან“

„რადგანად საქართველოში ქალი იჩაგრება გენდერული დისბალანსის გამო, ჩემი აზრით, მათ უფრო მეტი შეღავათები უნდა გაეწიოს. შეღავათად შეიძლება ჩაითვალოს მათთდამი უპირატესობის მინიჭება ამინისტრის დროს. რაც შეეხება არასრულწლოვნებს, მათი და სახელმწიფოს ურთიერთობა გათავისუფლებისას არ უნდა სრულდებოდეს, მიმაჩნია, რომ საჭიროებენ განსაკუთრებულ ყურადღებას რესოციალიზაციისა და განვითარებისთვის. გაზრდილი პაემნების რაოდენობა“

„გათვალისწინებული უნდა იქნას ჩადენილი დანაშაულის სიმძიმე და განისაზღვროს დამატებითი ალტერნატიული სასჯელები ქალებისა და არასრულწლოვნებისათვის“

„არა. მხოლოდ პიროვნების გათვალისწინებით უნდა მოქმედებდეს და ეხებოდეს ყველას გენდერული მიზნით შეღავათები არა მგონია სწორი იყოს. რაც შეეხება არასრულწლოვანებს მათ აუცილებლად უნდა დავეხმაროთ და სიმკაცრე არ გამოვიჩნოთ. ალტერნატიული სასჯელი, როგორცაა მათი მიმაგრება რაიმე საქმეზე კარგი იქნება, რაც შეეხება გირაოს, რომელიც მათი მშობლების "ზურგით" გადაიხდება და არა მგონია სწორი იყოს. ჯობია, რომ იმუშაონ სასჯელის, ვთქვათ ნახევრის სანაცვლოდ“

„იმის გათვალისწინებით, რომ კაცების როლი უაღრესად ლიმიტირებულია ბავშვების აღზრდაში, თუ ქალს ჰყავს მცირეწლოვანი ან არასრულწლოვანი შვილები, ეს ფაქტორი აუცილებლად უნდა იქნას გათვალისწინებული სასჯელის დანიშვნისას. იგივე შეიძლება ითქვას, თუ კი ქალს ჰყავს მოხუცებული მშობლები, რომელთაც მოვლა-პატრონობა ესაჭიროებათ და რეალურად ბრალდებული ქალი წარსულში იყო ჩართული მოხუცების მოვლაში. რაც შეეხება არასრულწლოვნებს, მათ მიმართ პატიმრობა მხოლოდ უკიდურეს შემთხვევაში უნდა იქნას გამოყენებული, თუ კი არსებობს სხვადასხვა პროფილის სპეციალისტის მიერ მომზადებული სანდო და კომპლექსური დასკვნა, რომელიც ადასტურებს, რომ ბრალდებული არასრულწლოვნის პატიმრობის დაწესებულების გარეთ ყოფნა საფრთხეს უქმნის სხვების სიცოცხლეს და ჯანმრთელობას. მიესაჯოს მუხლით გათვალისწინებული მინიმუმი“

„ქალების მიმართ არანაირი. ქალები და მამაკაცები თანასწორები არიან და პასუხისმგებლობაც თანაბარი უნდა ჰქონდეთ. არასრულწლოვანების შემთხვევაში გარკვეული შეღავათის გამოყენება შეიძლება, მაგრამ მხოლოდ ობიექტური გარემოებების გათვალისწინებით და ყოველ საქმეზე ინდივიდუალურად, არა ზოგადი პრაქტიკის სახით“

„ალტერნატივების და ვადამდელი გათავისუფლების უფრო მარტივად შეფარდება, კანონის წინაშე ყველა თანაბარი უნდა იყოს ქალიც და კაციც. ფეხმძიმე ქალებზე შეიძლება რაიმე სახის დროებით შეღავათზე საუბარი. არასრულწლოვანებზე აუცილებელია მაქსიმალურად არასაპატიმრო სასჯელების გამოყენება“

„აუცილებლად უნდა მოქმედებდეს შეღავათი, ბავშვი და ქალი უფრო დაუცველია და ამიტომ მათი მდგომარეობა უნდა გაითვალისწინო“